

2014 Alegria y Fantasia carnaval 60

Tur esunnan cu a forma parti di “Academy Brass” ta ser yama pa un reunion

ORANJESTAD - Siman pasa den un reunion masha ameno cu John Hessen nos a reuni pa asina yega na e forma pa buscando tur e integrante nan di Academy Brass un biaha mas.

Den e combersacion aki a sali na cla cu pa celebra Carnaval 60 di cual Academy a marca historia...lo ta bon pa reuni e brassband un biaha mas despues di 5 año, esey tabata e ultimo biaha cu nan a reuni pa un solo presentacion di cual nos ta corda Academy Brass den e evento “1st Madrigas Fest” cu a tuma luga na e hot zone di waf e tempo ey. Den e reunion cu John Hessen a sali na cla cu nan lo kier haci 3 presentacion ya cu un (1) so no ta y tabata suficiente. P’esey ta ser pidi na tur esunnan cu tabata parti di Academy Brass pa reuni diamars 21 Januari 2014, na Hamaka Cafe riba Linear Park pa 8’or di anochi, p’asina wak ken tur t’ey y ken kier ta participa di e reunion aki di Academy Brass.

Pa di biaha hinca un show hamas bisto combina cu ritmo, alegria y coreografia cu

semper Academy Brass tabata conoci y a destaca. E intencion ta pa surpasa tur expectativa di e ultimo presentacion di Academy Brass cu tabata 5 año pasa na e evento di Mardigras Fest.

John Hessen a señala: “Nos ta spera cu tur hende reacciona na e yamada cu ta ser

Na e reunion aki tur hende lo haya sa kico ta e plan y fecha nan tentativo pe presentacion di Academy Brass. Mester remarca cu unda Academy Brass presenta nan lo ta e atraccion principal di e anochi special.

Primeramente den nos reunion cu John Hessen e idea aki a cay masha na agrado ya



haci na tur medio di comunicacion, pa esaki nan por yama mi y reconfirma na telefon 5930907, Didi Dirksz tambe a confirma su presencia den e reunion aki pa diamars awo na Hamaca pa 8’or di anochi manera mi a compronde...”

cu semper tabatin den mente pa haci algo pa conmemora 60 año di carnaval di Aruba. Diamars awo 21 Januari 2014 lo ser menciona den e reunion ki dia y na unda lo ensaya (train) plus kico tur lo ta e repertorio cu segun



nos, nan lo saca lo miho di e dos CDnan cu nan a yega di graba. Asina ta diamars 21 Januari 2014 na Hamaka Cafe pa 8’or di anochi definitivamente lo determina pa duna un señor show, presentando algo diferente...pasando riba un repertorio cu a haci nan popular no solo na Aruba, pero na St.Maarten, Corsou y e dos (2) Tour Europeo cu nan a realisa.

Mester señala cu Academy Brass tabata e prome cu a yega di graba dos album riba disco compacto, for di esaki lo selecciona un repertorio cu lo satisface tur esunnan cu lo presencia nan show.

Riba e combinacion di potret

nos ta ilustra parti di e año nan di gloria di tabata 10 año Brassband di año memey di diferente brassband. John Hessen finalizando su combersacion cu nos a duna di conoce: “Academy Brass lo pone un stempel di calidad riba e presentacion nan special di cual ora, luga, con y na unda...lo wordo anuncia despues y mirando con e reaccion di e integrante nan ta”. Asina ta mas den e diano aki nos lo sigui informa nos lectornan di e leyenda aki di e ritmo di Asambeho yama “Academy Brass” cu tin intencion serio pa reuni pa 3 presentacion maximo. □